

IZAO INDRAY MANDEHA IZAO

 Misaotra anao, betsaka tokoa. Ndao isika hivavaka.

Ray any An-danitra, mivory indray izahay amin'ny Anaran'Ny Zanakao malalanao, ny Tompo Jesosy, mba haneho ny ftiavanay amin'ny fanompoana Azy indray. Mivavaka izahay mba hihaonan'Ny Fanahiny aminay, sy mba Hanomezany anay tsirairay ny ampanahan'izany Fanahy izany izay mety hanome anay ny fahasoavana mamelona mba hahavitana ny fivahinianana sy hiadiana ny ady izay mipetraka eo alohanay, ny adin'ny Finoana. Ekeo izany, Ray. Ary vakio aminay, izao tolakandro izao, ilay Mofon'Aina, mba hampahatanjaka anay, satria izao no voasoratra hoe, "Tsy ny mofo ihany no hiveloman'ny olona, fa ny Teny rehetra izay aloaky ny vavan'Andriamanitra." Enga anie izahay handre an'izany, izao tolakandro izao, amin'ny Anaran'i Jesosy Kristy. Amena.

² Mahazoa toerana. Miresaka an-dRahalahy Carlson, namela ahy ho tara teo amin'ny folo minitra teo izy. Miha-tsaratsara kokoa izy. Fivorian'ny herinandro hafa iray, izahay fotsiny dia... Ho eto ara-potoana angamba aho...?... Tena faly isika ny amin'ilay tombontsoa.

³ Ankehitriny dia rahariva no hariva famaranantsika an'ity fotoana iray ity, ary hamela anareo hivoaka ara-potoana aho mba ahafahanareo mahazo ny—ny sakafo harivanareo. Fantatro fa betsaka aminareo no miantsio an'izany hoe sakafonareo. Fa raha manana sakafo aho, amin'izay fotoana izay dia aiza no miditra ny sakafo harivako?

⁴ Ankehitriny, niresaka tamin'ny lehilahy iray aho, hoy izy hoe, "Oh, Rahalahy Branham, izany dia—izany dia sakafo."

⁵ "Oh, izany ve?" Hoy aho hoe, "Tiako ny hanaporofo aminao fa diso ianao." Hoy aho hoe, "Tsy mandray ny sakafon'ny Tompo isika; mandray ny Sakafo harivany isika."

⁶ Noho izany isika—tantsika ny hieritreritra azy tahaka ny Tompo, ho sakafo harivantsika, ny sakafo harivan'ny Tompo tamin'io hariva io, fa tsy maraina na tolakandro. Izy, nandray an'izany Izy ny hariva, izany no Sakafo harivany.

⁷ Ankehitriny, noho izany dia te-hiverina alohaloha isika. Ary noho izany dia tsy ho tara isika rahariva, hamela ahy ho arapotoana marina tokoa Rahalahy Carlson rahariva. "Ny finoana dia fahatokiana an'ireo zavatra antenaina." Ary tsy fantattro, raha sitraky ny Tompo, dia mety hiresaka aho rahariva, raha afaka manana fotoana kely, ampy, eo amin'ny, *Ny Fanisana Miverina*. Ilay, satria Hafatra siantifika, kely iray izay nomen'ny Tompo ahy ho an'ireo andro farany izany. Ary angamba, raha

sitraky ny Tompo, dia mety afaka hiresaka eo amin'izany aho rahariva.

⁸ Ankehitriny, nanana fotoana lehibe isika omaly hariva. Nandeha aho, hoy aho, "Tsy hivavaka ho an'ny marary isika," fa nanasitrana ny marary ny Tompo na ahoana na ahoana, hitanareo. Amena. Indraindray dia afaka milaza zavatra iray isika, saingy ny Tompo dia afaka hamadika an'izany amin'ny fotoana rehetra izay Tiany. Hitanareo, Izy—Andriamanitra Izy.

⁹ Ankehitriny dia te-hamaky haingana mihitsy avy ao amin'ny Soratra aho, ho an'ny lahateny kely iray izay izaho—noheveriko fa mety ho fanampiana iray ho antsika izao tolakandro izao.

¹⁰ Ankehitriny, raha mamela ahy ho ara-potoana izy, dia te-hiezaka hivoaka ara-potoana aho, ary ho eo amin'ny efatra sy sasany eo izany, izay ho eo amin'ny dimampolo minitra manomboka izao.

¹¹ Ndao isika hamadika ao amin'ny Bokin'ny Mpitsara ankehitriny, ny toko faha-16, ary ndao isika hamaky ny—ny andininny faha-27 sy faha-28, raha mitodika amin'ny Teny isika.

Ankehitriny dia feno lehilahy sy vehivavy ny trano; ary tao ireo andriamaniry ny Filistina rehetra; ary teo ambonin'ny tafo dia nisy lehilahy sy vehivavy teo amin'ny telo arivo teo, . . . indro raha mbola nanao lalao i Samsona.

Ary Samsona niantso an'ny TOMPO ka nanao hoe, O Tompo . . . tsarovy aho, mivavaka aminao aho, ary ampaherezo aho, mivavaka aminao aho, izao indray mandeha izao monja, O Tompo, mba ahafahako ho . . . mamaly faty an'ireo Filistina noho ireo masoko roa.

¹² Ndao isika hivavaka indray. Tompo Jesosy, raiso ity lahateny kely ity, ka tondraho amin'izany ilay Fiagonana, Tompo. Mivavaka izahay ary mametraka an'izany Aminao, amin'ny Anaran'i Jesosy. Amena.

¹³ Tsy maintsy ho nisy Filistina teo amin'ny telo arivo teo tany, njery avy teny an-tampon'ilay rihana an'io kianja lehibe io, rehefa niditra ny kianja ilay mpivady tamin'io tolakandro io. Tsy maintsy ho andro mahamay iray izany. Nandrity ny andro manontolo no efa teo izy ireo. Ary tao amin'io antoko lehibe io, teo an-tampon'io kianja lehibe izay nisy zavatra naorina mba ho tahaka ny holatra iray mivadika io; ary ny andry ampovoany teo afovoany, izay nanao zavatra iray tamin'ity lalana ity, ary nihazona an'ireo andry roa nihazona an'ireo mpijery rehetra nanodidina; ireo tompon'ny ady namiratra fatratra sy ireo vehivavy tsara tarehy niravaka. Ny rehetra dia niondrika nankany aloha tamin'io zava-mitranga iray io, satria te-hahazo fahitana tsara izy ireo, an'io izay hiseho io.

¹⁴ Efa nisy ireo sava-ranonando, ireo famalifaliana rehetra. Nanana an'ireo rajako kely angamba izy ireo izay—izay nilalao hafetsifetsena kely. Ary nanana an'ireo zavatra izay namalifaliana ny tenany izy ireo, ady, tolona, ary—ary—ary angamba adin'olon-droa mahafaty, ary zavatra maro hafa izay—izay namalifaliana azy ireo ny andro manontolo, satria andro malaza iray izany, saingy tonga ilay zava-mitranga lehibe ankehitriny.

¹⁵ Fantatrareo hoe ahoana no iandrasantsika rehetra am-paharetana rehefa mandeha ireo sava-ranonando. Ary izy ireo dia miandry an'ilay—ilay zava-mitranga lehibe, ary izany dia rehefa vonona ny olona rehetra ka mandray fifantohana. Mandinika an'izany isika ao amin'ireo fotoam-pivavahantsika, rehefa manana an'ireo—ireo hirantsika isika, sy ireo fijoroana vavolombelantsika, ary ireo toriteny, sy ny sisa; fa ilay zava-mitranga lehibe dia ny mahita an'izay hataon'ny Tompo, mahita hoe ho an'ny inona no Nanangonany antsika miaraka. Eo ambanin'ny fiandrasana isika rehetra mba hahita fotsiny hoe ho inona ilay fiafarana, ilay zava-mitranga lehibe. Tahaka an'izany ilay izy amin'ny zavatra rehetra. Miandry an'ilay zava-mitranga lehibe foana isika.

¹⁶ Dia nitsangana izy rehetra mba hanantena, hahita an'izay hiseho, satria haseho azy ireo ilay zava-mitranga lehibe, ary inona no hitan'izy ireo afa-tsy lehilahy jamba iray izay notarihin'ny zazalahy kely iray.

¹⁷ Nanakoako ireo efitranobe ny tolakandro manontolo, niaraka tamin'ny lanonam-pisotroana, ahoana fa nifanolotra whisky sy ireo fisotro mahery izy ireo; ary ireo vehivaviny tsara, niloko tarehy sy niravaka, ary ireo tompon'ny ady manan-kaja lehibe, sy ny rehetra. Fankalazana lehibe iray izany. Nankalaza an'ilay fandresena izy ireo. Oh, toy ny ahoana no hankahalako milaza an'izao! Ilay fandresena izay azon'ilay Dagona Andriamanitra-trondro, teo amin'ilay mpanompon'Andriamanitra. Milentika mihitsy ao anatiko ambany ao izany, ny tsy maintsy hilaza an'izany, saingy izany no fahamarinana. Mankalaza amin'ny fomba iray tahaka an'izany, fandresena iray teo amin'ny mpanompon'i Jehovah. Zavatra iray mahamenatra toy ny inona! Misotro, am-pilanonana, sy vehivavy miloko tarehy, ary miravaka, sy ireo manan-kaja lehibe, nirehitra teo ambanin'ilay Andriamanitra-trondro ireo afo, ary tsy maintsy ho fankalazana iray toy ny inona izany.

¹⁸ Fa ilay ampahany mahavaky fo, ny amin'ny tokony hieritrerentsika indray ny zava-mitranga tahaka an'io an'arivo taonany aty aorianao io, ary rehefa ilay Andriamanitra ny Lanitra lehibe, Izay nanapa-kevitra tao am-Pony ny handrava an'io firenena io satria mpanompo sampy izy ireo, dia naniraka lehilahy iray hanao an'ilay asa, ary eto ilay Andriamanitra-trondro dia nankalaza fandresena iray teo amin'ny mpanompon'i

Jehovah. Tsy Jehovah mihitsy no nahavery; ilay mpanompo izay Nirahiny hanao an'ilay izy, no nahavery an'ilay fandresena.

¹⁹ Fampisehoana iray toy ny inona, zavatra iray mahamenatra toy ny inona izany! Ilay zazalahy no nitarika an'ilay lehilahy nivembena, jamba nanerana an'ilay—ilay efiranobe, nankeo amin'ireo andry lehibe goavana ireo, nisy an'ilay holatra lehibe rehetra nivadika na toerana mitovy amin'ny elo, izay niondrehan'ny olona tahaka an'izao, avy teo amin'ireo rindrantsokay lehibe niakatra sy nihazona an'ilay zavatra teo amin'ny lamina, natsangana tamin'ny vato izay tsy azo vokarina indray amin'izao andro izao. Tsy misy anankiray afaka manorina an'izany tahaka an'io. Fa zavatra iray lehibe toy ny inona izany! Ary an'arivony ireo mpisorona malaza izay nanompo sampy iray, niaraka tamin'ireo tratrany nibontsina tanteraka, ary ireo fanompoam-pivavahany sy fanao ara-pivavahany rehetra teo amin'ny sampin'izy ireo, hoe nandresy an'i Jehovah izy. Andro malaza iray toy ny ahoana izany, misotro, am-pilanonana, sy fahadalana!

²⁰ Ary indro tonga ny mpanompon'i Jehovah, jamba, nivembena, notarihin'ny zazalahy kely iray, nankeo amin'io andry lehibe io, mba hanao lalao. Ilay zava-mitranga lehibe an'ny famalifaliana dia ny hanao lalao avy amin'ilay tanjona voatendrin'i Jehovah handravana an'ilay firenena. Ary, kanefa, dia ilay firenena no naka an'ilay zavatra izay napetrak'Andriamanitra mba handrava azy ireo, ary ankehitriny dia nandresy azy izy ireo ary nanao lalao avy taminy, ny zava-mitranga lehibeny tao amin'ny fankalazany.

²¹ Tsy mamono anareo fotsiny ve izany, saiky, ny mijery an'izany? Ny mieritreritra an'izay mety, tsy tokony ho voateny marina mihitsy tokoa ity tantara ity. Saingy voateny angamba izy ho—ho an'ny fananarana antsika, voasoratra tahaka an'izany. Afa-baraka, potika, nitsangana resy ankehitriny, teo anelanelan'ireo andry roa lehibe izay nihazona an'ilay tranobe.

²² Mari-pamantarana iray an'ilay fiangonan'izao andro izao toy ny inona izany! Marim-pamantarana iray an'ny taranak'olona lavo iray toy ny inona izany, izay nivarotra tamin'izao tontolo izao sy ilay tena zavatra izay tokony ho resentsika eto. Ilay fiangonana izay nivarotra ny—ny fitondran-tenany, izay nivarotra ny Baiboly, dia nivarotra ny heriny, tena nanolotra ny sabany, ary mitsangana afa-baraka ao amin'ilay ora izay maha-antomotra ny fahakaikezan'ireo famantaran'ny Fihavian'i Jesosy Kristy; nefo tokony ho voasasa izy, tsy misy tasy iray na fikentronana iray, mijoro mba handray ny Mpampakany.

²³ Sary iray toy ny inona no hitantsika eto, mari-pamantarana iray an'ny fahalovan'ny fitondran-tena izay mipetraka eo amin'ilay firenena, ity firenena ity. Ary tsy hiezaka hijanona ela

loatra miaraka amin'ny Soratro aho, mba ahafahako mahavita haingana. Fa afaka mampitaha an'izany amin'ilay fiangonana aho, amin'ilay firenena, amin'ireo politika, ary amin'ny zavatra rehetra izay azonareo ametrahana ny tanganareo amin'izao andro izao, ankoatry ny Baibolin'Andriamanitra. Mihalò arapitondran-tena, izany ilay taranak'olombelona izy tenany, ao anatin'ny toerana iray mahatsiravina fotsiny!

²⁴ Ary eo ambanin'ireo ateista sy tsi-mpino izay afaka manondro ny rantsan-tanany eo amin'ny tavan'ilay fiangonana, dia iza no tokony hanana ny Hafatra ho an'izao andro izao, ka hanontany azy ireo hoe, "Inona daholo no dikan'izany?" Fa tsy manana ny valiny izy ireo. Tsy manana ny valiny izy ireo. Nahoana? Nanao tahaka ny nataon'i Samsona izy ireo. Nitolobatana izy ireo.

²⁵ Noho izany ny mahita azy mitsangana eo, dia hilaza isika hoe, "Tahaka an'io ve i Samsona?" Ndao isika hahazo sary iray an'izany, ity mpiady lehibe, mahery ity. Ndao isika hanao sary azy, izao tolakandro izao, hoe nanana soroka be velarana izy, toe-batana lehibe. Ary indro ity lehilahy goavana makadiry ity nitsangana teo, jamba, nifatotra tady, ary notarihina teo afovoan'ilay efitra, afa-baraka, potika, resy, niaraka tamin'ilay Andriamanitry ny Lanitra lehibe njery nidina teo aminy. Eto ambany eto, ireo mpitsikerany, ireo miaramila mamo njery nidina.

²⁶ Azoko eritreretina, fa raha nitsangana tany izy ireo, dia Filistina maro no nangovitra tao anatin'ny kirarony mihitsy aza, mandre ny anarany. Anarana nahery iray i Samsona, indray mandeha; toy izany koa ny Kristianisma, toy izany ny fiangonana. Ary hanao mirazotra an'izany amin'ilay fiangonana aho, ity fampisehoana ity. Ny anarana hoe Samsona, dia torana fotsiny ny olona, satria izy dia karazana lehilahy iray izay tsy mbola nahitan'izy ireo lehilahy iray tahaka azy mihitsy. Ny heriny dia nihoatra noho ny zavatra rehetra izay hany nananan'izao tontolo izao. Tsy nisy na inona na inona azon'izy ireo nampitahaina taminy. Maro no nahatsiaro azy raha njery azy nitsangana teo tao amin'io toerana io izy ireo.

²⁷ Maro no njery azy avy teny amin'ireo rihana ka nahatsiaro fa nahita azy nitsangana tao amin'ny toerana hafa iray. Indray andro, nitsangana niaraka tamin'ny valanondranon-dramole iray izy, teny an-tanany, niaraka tamin'ny Filistina arivo nihinjitra nanodidina azy, rehefa nandositra nankany amin'ireo vatolampy izy ireo mba ho voaaro; nitsangana, nanetsika an'ireo rantsan-tanany hoe, "Avia, raha mila iray amin'izany ianareo!" Fa ankehitriny dia jereo izy.

²⁸ Filistina maro, tamin'io hariva anankiray io dia noresen'ny mpijangajanga iray lahatra izy ary tao—tao an-tanànan'i Gaza, nalain'izy ireo ny vavahady goavana be izay mety nilanja aman-

taonina, dia nofefeny izy ka tratrany izy, ary naniraka nankany amin'ireo miaramila ka nanao hoe, "Ankehitriny tratranay izy. Voaterinay izy." Tahaka ny ezahan'ny devoly hatao isan'andro, manery anareo eo amin'ny zavatra iray.

²⁹ Fa tsarovy rehefa nifoha i Samsona ny ampitso maraina, na tamin'io hariva io, raha ny marina, dia nahita fa voatery izy. Afaka nahatsapa indray izy taorian'ny lohany ary mbola fantany fa zanaky ny faneken'Andriamanitra izy, ary tsy nisy na inona na inona afaka nanery azy teo. Ny fiangonana fahiny dia nitsangana tahaka an'izany, ihany koa. Inona no nataony? Nitsangana izy, nandeha teny an-dàlambe, nanongtra an'ireo vavahady niala tamin'ny fotony, ary nametraka an'izany teo ambonin'ny sorony ka nandeha teo an-tampon'ilay havoana ary nipetraka.

³⁰ Maro tamin'izay nitsangana teo tamin'io tolakandro io no nahatsiaro an'izany zava-mitranga izany. Saingy jereo izy ankehitriny, jamba, nesoina, lalao iray fotsiny ho an'ilay fahavaloo. Ny heriny rehetra izay nananany fahiny ho an'ny fiarovany, ho an'ny zava-bitan'Andriamanitra izay nahaterahany teto amin'izao tontolo izao mba hatao, dia voaendaka taminy tamin'ny alàlan'ny vehivavy iray.

³¹ Heveriko fa io zavatra iray ihany io dia azo ampiharina amin'izao andro izao, hoe ny vehivavy iray izay mihambo ho ny Ampakarin'i Kristy, nefo manao fototra ny fampianarany amin'ny "kapoaka iray an'ny fahalotoan'ny fahavetavetany, an'ny fiangajangany." Nanongilana an'ilay kapoaky ny fiangajangany tao anatin'ny vavan'ilay fiangonan'Andriamanitra izy izay natsangana mba haneho an'ireo Famantarany sy fahagagany, araka ny tokony hanaovana an'ilay didin'i Jesosy farany, ao amin'ny Marka 16. Ary ankehitriny dia hitantsika fa nalaindy ilay vondrona kelin'Andriamanitra, mahatoky ka nandrafitra azy ireo niaraka mitovy marina tokoa tamin'izay nanaovany ny tenany, ary nanao azy ireo hitsangana voaendaka, mandà ny Heriny, mandà ny Fanahy Masina, mandà ny hery hiteny amin'ny fiteny tsy fantatra, mandà ny Herin'ny—ny Fanahy Masina manangana ny maty, sy manasitrana ny marary ary mandroaka devoly. Ary ankehitriny dia hamely anao ny Filistina, ka inona no hataonao ankehitriny, voaendaka?

Oh, inona no tsy maintsy nandalo tao an-tsain'io lehilahy io!

³² Hitantsika izay tsy maintsy nandalo tao an-tsain'ireo Filistina. Nahafantatra azy izy ireo. Fa, nandre ny anankiray nanakatra ny iray hafa aho, angamba, ary nanao hoe, "Tsaroako ilay fotoana izay nilazanao hoe 'Samson,' dia nandeha tahaka ny voalavo nankany amin'ny lavaka iray ny Filistina rehetra. Efa reko ilay fotoana, izay nilazanao hoe, lehilahy arivo no nandeha nanerana ny tany efitra, hoy izy ireo hoe, 'Tamy i Samsona,' ka

nalatsak'izy ireo ny fitaovalam-piadiany ary nandositra ho an'ny fiarovany haingana arak'izay vitan'izy ireo."

³³ Fa jereo izy ankehitriny. Ao anatin'ny toerana iray mahatsiravina izy, voafatotra, ny rehetra satria nanao marimaritra iraisana tamin'ny vehivavy iray. Izany no nanao an'io. Nendahiny taminy ny heriny. Nanohy niezaka hahita an'izay nitoeran'ny heriny izy. Fantany fa lehilahy iray goavana izy, saingy izy ireo dia nanana lehilahy goavana, ihany koa. Fa ity Delila ity, izy dia tena—tena Jezebela iray mihitsy. Fantany hoe ahoana no hiasana eo aminy, hilàny fitia aminy sy hilazana fa (izy) tia azy izy. Fa, isan'andro, dia niezaka izy ny nanjono hatrany, hoe taiza no nitoetra ilay heriny.

³⁴ Ary izany ilay zavatra iray ihany izay nataon'ilay Jezebela tamin'ilay fiangonana, nanjono foana izy mandra-pahitany hoe taiza no nitoetra ilay hery. Ary ny hery dia ao amin'ny Teny. "Ny Teny dia Andriamanitra." Ary farany dia hitany hoe taiza no nitoetra io hery io, ka nitondra azy tany Nise izy, Roma, ary naratany ireo foto-bolony. Ary ankehitriny dia nalain'izy ireo izay tavela avy tamin'izany, ka nentiny niverina nankao amin'ny Fiombonamben'ny Fiangonana Maneran-tany izy ireo, ary naratany indray ny foto-bolon'izy ireo. Fanaratana iray tsy ankitsahatra izany, manala an'Ity, ary, "Ity dia tsy midika an'izao. Efa lasa ireo andron'ny fahagagana. Tsy misy izany karazan-javatra izany tahaka an'ity, itsy, ny hafa." Izy ireo, hitan'izy ireo hoe taiza no nitoetra ilay hery, nanolo batisa sy fandraisan-tànana ary ireo zavatra hafa rehetra ireo, ho an'ilay Tenin'Andriamanitra marina tsy mifangaro.

³⁵ Ity no Tenin'Andriamanitra, izay nomena ho an'Ny Fiangonany mba handresena an'izao tontolo izao sy ireo devoly, sy ny aretina, sy handroaka devoly, fa tsy misy anaram-piangonana nomena an'ilay Fiangonana. Ny Teny no nomena ny fiangonana; Izany no heriny. Fa notapahan'izy ireo *Ity*, notapahan'izy ireo *Itsy*, ary naratan'izy ireo *Ity* foto-bolo ity, ary naratany *Itsy* foto-bolo itsy, hany ka mitsangana voaharatra izy amin'izao andro izao, tahaka ny masera Katolika iray, voaharatra, hany ka nanaiky andiana fanekem-pinoana iray nataon'olona izy ho foto-pampianaran, izay nolazain'ny mpaminany marina tokoa fa hataony. Ary indro izy mitsangana amin'izao andro izao, afa-baraka. Nefa ilay Andriamaniry ny Lanitra dia nifidy an'ilay mpanjono tsy mahay, sy ny sisa, ka nidina tao anatin'io ary nanaporofo an'Izany, fa mbola mijanona ho Andriamanitra foana Izy, ary tsy afaka nanome valiny iray an'Izany izy ireo ho an'ny fiangonan'izy ireo satria tsy nifandray tamin'ny anaram-piangonana iray izany. Ary mitsangana afa-baraka izy, eo amin'izay tokony nitsanganany tao amin'ny heriny.

³⁶ Raha nitsangana tahaka ny nataony tamin'ny Andron'ny Pentekosta ilay fiangonana amin'izao andro izao, raha

nitsangana tahaka ny nataony tamin'ny andron'i Irenée ilay fiangonana amin'izao andro izao, sy tamin'ny andron'i Masindahy Martin, na tamin'ny andron'i Polycarpe, izay nandehanan'ilay Fiangonana avy hatrany tao amin'ny fahafatesana nialohan'ny hanoherany ny Tenin'Andriamanitra rehetra! Irenée, Martin, ireo lehilahy rehetra ireo, dia nihazona mafy tamin'io batisan'ny rano amin'ny Anaran'i Jesosy Kristy io. Ny tsirairay avy tamin'izy ireo dia nihazona mafy tamin'io batisan'ny Fanahy Masina io, ireo mpaminany, ireo famantarana sy fahagagana.

³⁷ Fa nanalavitra an'izany izy ireo amin'izao andro izao. Inona no nitranga? Fantatr'i Delila hoe taiza no nitoetra ilay hery. Ary afaka nanao an'ireo seminera hanalavitra an'io Teny io mihitsy izy, hankao amin'ny teolojia iray nataon'olona, nanana an'izany izy, tamin'izay fotoana izay dia mora ny namatotra sy nanajamba azy ireo tao amin'ny Fiombonamben'ny Fiangonana Manerantany, io fiombonambe ekiomenika io.

Hoy ianareo hoe, “Tsy manana zò ianao.”

³⁸ Mbola teratany Amerikana foana aho. Manana zò iray amin'ny fahalalahana miteny aho. Marina izany. Izany tokoa aho. Mariho, izany marina tokoa no Fahamarinana.

³⁹ Oh, toy ny ahoana no tsy maintsy nahatsapany, inona no nandalo tao an-tsain'io lehilahy io, raha nitsangana teo izy, jamba!

⁴⁰ Ankehitriny, fantatr'i Jezebela, na tsy Jezebela, fa fantatr'i Delila, fa raha mba afaka manapotsitra ny masonry izy, dia izay ilay izy.

⁴¹ Ary izany marina tokoa no nataon'i Delilan'ity andro farany ity tamin'ilay fiangonana, nanapotsitra ny masonry, tamin'ny teny fikasan'Andriamanitra, ka nivarotra anarampiangonana ara-tsaina goavana be iray taminareo. Ny olona rehetra dia tia mividy,...milaza hoe, “Mikambana amin'ilay fiangonana Voalohany aho. Mikambana amin'ny *eto* aho. Izaho...” Hitanareo, raha mbola afaka manao ny masonareo hipotsaka foana ny devoly, amin'ny Tenin'Andriamanitra sy ny teny fikasan'Andriamanitra! Tsy mampaninona na adaladala toy ny ahoana aza izany, teny fikasan'Andriamanitra izany.

⁴² Ankehitriny, tsy manohana sekta aho, tsia mihitsy, saingy ireny sekta ireny dia fantatra amin'ny alàlan'ny asany. Toy izany koa no ahafantarana ny Fiangonan'Andriamanitra amin'ny alàlan'ny Asany. Fa miezaka aho ny milaza an'izay nataon'i Delila tamin'i Samsona.

⁴³ Ankehitriny dia ndao isika haka ny lafiny an'i Samsona, inona no tsy maintsy nandalo tao an-tsain'ilay lehilahy raha nitsangana teo izy. Ireo fandresena lehibe rehetra izay azony fahiny, no tsy maintsy nandalo tao an-tsainy. Mandeha ilay zava-mitranga ankehitriny, vonona ny hanomboka

ilay famalifaliana ho an'ny tolakandro. Ireo izay natao hampifalifaliana dia mieritreritra an'izay efa naха-izy azy, ary indro izy eto mitsangana eto mieritreritra an'izay efa naха-izy azy. Saingy satria vehivavy iray no nanambitamby azy, dia niova ny sary, tamin'izay tokony naха-izy azy. Andriamanitra dia nanangana an'i Samsona mba handrava an'io firenena io, izany ilay tena tanjona nitondrana azy.

⁴⁴ Raha afaka mahita lehilahy anankiray fotsiny Andriamanitra, dia izay ihany no Ilainy, lehilahy anankiray izay afaka ny hanolo-tena Aminy tanteraka. Tsy maka tafika iray Izy; Izy dia tsy nampiasa an'izany mihitsy. Mampiasa lehilahy iray fotsiny Izy.

⁴⁵ Ankehitriny, nomen'i Samsona an'Andriamanitra ny Heriny mba hampiasaina, saingy tsy nomeny an'Andriamanitra ny fony. Nomeny an'i Delila ny fony, ary nomeny an'Andriamanitra ny heriny.

⁴⁶ Fa tsy maintsy manolotra ny aina, vatana, fanahy, hery, ny zavatra rehetra maha-izy anareo ianareo, ho an'ny sitrapon'Andriamanitra, ho lasa mpifatotra ho Azy. Ho lasa mpifatotr'olona iray ianareo. Tsy tompon'ny tenanareo ianareo. Mpifatotr'olona iray ianareo. Na ianareo mpifatotry ny devoly, mahafantatra fa ity no Fahamarinana nefa tsy hanolo-tena ho an'izany, na mpifatotra iray ho—ho an'izao tontolo izao, ka manolo-tena ho an'Andriamanitra, ny iray na ny hafa. Na ianareo mpifatotry ny devoly, ho an'ny ota, na ianareo mpifatotr'Andriamanitra, ho an'ny fahamarinana. Ny iray na ny hafa ianareo.

⁴⁷ Ary ankehitriny i Samsona dia mieritreritra an'ireo fandresena lehibe izay efa azony. Tsy isalasalana fa tonga tao an-tsainy hoe ahoana, fa fony izy zazalahy kely iray, dia efa nanamarina azy Andriamanitra, niteny tamin'ny reniny hoe ahoana no tsy maintsy hataony; tsy misotro fisotro mahery, na—na manara-maso ny sakafô mahazatrany, fa hiteraka Nazirita iray izy. Ahoana no nibangony ny volony, ary niteny taminy hoe, "Anaka, amin'ny alàlan'ireto foto-bolo ireto, faneke na iray miaraka amin'Andriamanitra izany, hoe ao no hitoetra ny herinao. Aza, aza mamoaka an'izany mihitsy. Aza, aza mamoaka ny tsiambaratelona mihitsy. Aza, aza mitolo-batana mihitsy. Na inona na inona atoaonao, mijanôna miaraka amin'izany."

⁴⁸ Niteny tamin'ny fiangonana Jesosy Kristy, hoe, "Ny Lanitra sy ny tany ho levona, fa ny Teniko tsy ho levona mihitsy. Ary na iza na iza hanaisotra Teny anankiray avy amin'Izany, na hanampy teny anankiray amin'Izany, dia hesorina amin'ny Bokin'ny Fiainana ny anjarany." Tokony hieritreritra an'izany ny fiangonana ankehitriny raha mitsangana ao anatin'ity fahapotehana ity isika, ao amin'ity ora ity mihitsy vavaka....

mialohan'ny Fihavian'ny Tompo Jesosy, amin'ny fotoana rehetra, ho an'ny Fampakarana iray.

⁴⁹ Ireo fandresena lehibe izay azontsika tondroina indray, tamin'ireo andro lasa, tao amin'ny fanavaozana, tany amin'ireo andron'i Irenée sy Masindahy Martin, Patrick, ary ireo izay nanohitra an'ireo rafi-pandaminana ireo.

⁵⁰ Ary rehefa nivoaka i Luther dia nanohitra an'ilay rafi-pandaminana voalohany, ny fiangonana Katolika, nefo ilay vondrona izay nanaraka azy dia niverina avy hatrany ka nandrafitra taoriany.

⁵¹ Rehefa nivoaka avy tao amin'ny Anglikanisma i John Wesley, ary, vantany vao niala i Wesley, dia nandrafitra izy ireo taoriany.

⁵² Ary nivoaka avy tao amin'ireo anaram-piangonana ny Pentekosta voalohany. Tenin'ozona iray ho anareo izany. Saingy, "Tahaka ny alika mandeha eo amin'ny lôany, ary kisoavavy mankeo amin'ny fotany," dia niverina avy hatrany tao amin'ilay zavatra iray ihany izay nahaterahanareo mba handresy ianareo. Haleloia! Izany dia mandrata ny foko, ihany koa, mihoatra lavitra mihitsy noho ny fieritreretana an'ilay fandresena tany aza izay azon'i Dagona teo amin'i Samsona. Hitako fa Jezebel a no nanjaka teo amin'ilay fiangonana. Ary izany no antony hoe ny hery rehetra sy ny hozatrozatra rehetra ao anatin'ny tenako, dia miezaka aho ny hanohitra an'io zavatra io, ary miantso an'io fiangonana io hiverina amin'ny toeran'ny fibebahany. Ny reninareo, ny rainareo, dia noroahiny hivoaka an'ireo rafi-pandaminana ireo. Nivoaka tamin'izany izy ary nanohitra an'izany, nefo indro ireo zanany fa niverina avy hatrany eo ka nandeha avy hatrany tao amin'ilay zavatra izay nivoahan'izy ireo. Raha tsy izany no sary iray an'i Samsona, izay nataon'i Delila!

⁵³ Toy ny ahoana no tokony amelantsika an'ireo fisainana handalo ao an-tsaintsika, an'ireo fandresena lehibe. Tsy manana fotoana hitondrana an'izany aho, ka hihazona ny teniko aminareo.

⁵⁴ Ary Andriamanitra, dia nanangana azy ho an'io tanjona io, nefo io izy mitsangana eo anelanelan'ireo andry roa ireo, jamba, resy, afa-baraka. Mbola ilay anankiray goavana makadiry izay naha-izy azy hatramin'izay foana izy, saingy lasa ny heriny.

⁵⁵ Ilay fiangonana dia ny zavatra rehetra, mahery lavitra kokoa izy amin'ny mambra noho ny naha-izy azy hatramin'izay. Saingy aiza ilay Teny, ilay hery, tonga voaseho? Notapahina niala taminareo izany, tamin'ny alâlan'ny hery manaratry ny rafi-pandaminanareo.

⁵⁶ Diso an'Andriamanitra izy. Tsy hoe diso an'Andriamanitra fotsiny ihany, fa diso an'ireo vahoakany manokana izy. Tsy fahombiazana tanteraka iray izy. Ankehitriny dia

mpifatotra iray amin'ilay tena firenena mihitsy izay nananganan'Andriamanitra azy mba ho ravana izy.

⁵⁷ Ary indro mitsangana ilay rafi-pandaminan'ny fiangonana farany, Pentekosta, izao tolakandro izao, resy tahaka an'i Samsona mihitsy. Mety tsy mino an'izany ianareo. Saingy raha hanokatra ny sainareo amin'ny Teny fotsiny ianareo, dia hahita ianareo fa izany no Fahamarinana.

Naka azy hanao hafetsifetsena, ho famalifaliana.

⁵⁸ Ahoana no nolazaiko indray mandeha, vao tsy ela akory izay. Ireto Full Gospel Business Men ireto, na dia tiako tsara aza izy ireo, fa tao anatin'ny magazinin'izy ireo, dia nanoratra hoe, "Revera Ray Masina *Ranona-sy-ranona*." Ianareo Pentekotista mampalahelo, diso fihevitra, jamba! Inona ny olana aminareo? Tsy fantatrareo ve fa ny Mpamontjintsika no nilaza hoe, "Aza miantso olona eto an-tany hoe, 'Ray'?" Tsy fantatrareo ve fa ny devoly dia maka olona iray fotsiny izay efa voadaka avy tao amin'ny iray tamin'ireo tany, eto, ary manao zavatra iray ihomehezana fotsiny avy aminareo? Tsy miditra izy ireo. Aza mamela olona iray hiteny aminareo fa miditra izy ireo.

⁵⁹ Inona ny olana amin'ilay fiangonana diso fihevitra? Izao tontolo izao no nanindrona ny masonry. Tsy fantatrareo ve fa Jesosy no nilaza fa izany no hitranga? Ary rehefa lasa nividy solika ilay virijiny natory, dia tsy nahazo an'izany mihitsy izy. Io ilay virijiny natory, Loterana, Metodista, Presbyterana. Tsy hahazo an'izany izy ireo. Mety miteny amin'ny fiteny tsy fantatra izy ireo ary mitsambikina, saingy tsy midika na inona na inona izany. Efa nahita mpanompo sampy nanao an'ilay zavatra iray ihany aho, ary mpanompo devoly, niteny tamin'ny fiteny tsy fantatra sy nitsambikina, ary nihira sy nihorakoraka; nisotro rà avy tamin'ny karandohan'olombelona iray, ary niantso ny devoly ka niteny tamin'ny fiteny tsy fantatra. Aza miankina amin'ny fahatsapana ianareo. Ny Tenin'Andriamanitra no tsy levona.

⁶⁰ Io izy, resy, tahaka an'i Samsona resy betsaka mihitsy, manao an'ireo hafetsifetsena ankehitriny. Toy ny ahoana no njoroan'i Satana ka nihomehy azy ireo, nanao hoe, "Jereo, mihambo izy ireo hoe mino ny Baiboly. Jereo!" Miteny amin'ireo Anjelin'ny Lanitra rehetra hoe, "Jereo, jereo, izy ireo—izy ireo—izy ireo—izy ireo, hia, mpino ny Baiboly izy ireo, ny tsirairay avy amin'izy ireo, jereo fa tonga miaraka izy ireo. Hanipy azy ireo aho, ny tsirairay avy, any, marina tokoa." Mandeha mitarika azy ireo avy hatrany hiditra, izay nolazain'ny Soratra marina tokoa. Tsy maintsy manao an'izany izy ireo. Eo izy ireo, resy. Delila; voatsindrona ny maso mba tsy ahafahan'izy ireo hahita ny Fahamarinana.

⁶¹ Hoy Jesosy tamin'ireo Fariseo hoe, "Manana maso ianareo, nefá tsy afaka mahita. Manana sofina ianareo, nefá tsy afaka mandre." Nahoana? Hoy Izzy, "Satria Isaia no niteny an'izany."

Nanondro niverina nankany amin'ny Teny izy, ilay mpaminanay. Ilay Andriamanitra Izy tenany, Jesosy Kristy, no nanondro niverina nankany amin'ny Tenin'ny Mpaminaniny.

⁶² Ary, amin'izao andro izao, dia mamerina ny fitadidianareo ny Fanahy Masina. "Kiriana, mpieboebo, tia ny fahafinaretana mihoatra noho ny fitiavana an'Andriamanitra," vehivavy, miloko tarehy, manao sorta, mihetsika tahaka an'izao tontolo izao, manapaka ny volony, ary manao ny sisa, "manana ny endriky ny toe-panahy araka an'Andriamanitra, nefà mandà ny Heriny." Eny, ireo asanareo manokana no manaporofo fa tsy mino ianareo. Ny Fanahy Masina, ao amin'ny Teny, no manondro avy hatrany miverina amin'ny Teny indray.

⁶³ "Oh," hoy ianareo, "manana Azy aho." Rehefa maka fanafody ho an'ny aretina iray ianareo, raha tsy miasa izy, dia tsaratsara kokoa aminareo ny manolo ny fanafodinareo, ho faty ao amin'ny fahotanareo ianareo.

⁶⁴ Ny firenena, ilay tena tanjona mihitsy, ilay tena zavatra izay nananganana azy ireo mba handrava mihitsy, Samsona, ankehitriny no tra-doza.

⁶⁵ Ary toy izany koa ilay fiangonana! Natsangana mba handrava ny fanaovana anaram-piangonana sy izao tontolo izao ao anatin'ny anaram-piangonana, mba hahamenatra, nefà dia miditra avy hatrany ao amin'ilay anaram-piangonana ianareo. Ary amin'ny fanaovana an'izany, dia tsy afaka manaraka ny Soratra ianareo, ny tsirairay avy amin'izy ireo dia manana hevitra samihafa, noho izany dia verinareo ny herinareo. Io devolin'ny fahajambana io!

⁶⁶ Avelao ny filàm-pitia an'ny vehivavy iray hitondra azy hiala amin'ny—ny Tenin'Andriamanitra. Ankehitriny hoy ianareo hoe, "Rahalahy Branham, tsy izany ilay izy." Izany no Tenin'Andriamanitra. Nitondra an'i Samsona niala tamin'ny Tenin'ny fampanantenana i Delila.

⁶⁷ Ary toy izany koa no nitondran'ilay Jezebelan'ity andro ity an'ilay fiangonana, nila fitia taminy hiala amin'ny Tenin'ny fampanantenana, ny Baiboly Masin'Andriamanitra. Oh, zavatra mitovy, zavatra mitovy marina tokoa! Inona no nataon'izy ireo? Namela an'i Jezebela, voateny ao amin'ny Apokalypsy ny 17, Apokalypsy, toko faha-17, voaseho eo ilay fiangonana Katolika. Ary miteny aminareo izy ireo fa izany dia izy ireo, ihany koa. Izy ireo tsy... Ny bokin'izy ireo manokana no miteny an'izany. Tsy niahotrahatra ny amin'izany mihitsy izy ireo. Firy no efa namaky an'ireo soratr'izy ireo manokana? Fantatrareo fa marina izany. [Hoy ny fiangonana hoe, "Marina izany."—Mpand.] Milaza izy ireo fa voaseho ny fiangonana Katolika. Marina izany. Ary tsarovy, "Izy no renin'ny mpijangajanga. Mpivarotena iray izy, ary renin'ny mpijangajanga." Hitanareo, tsy maintsy ho ireo fiangonana izany; tsy zazalahy, fa zazavavy izany, ireo

fiangonana Protestanta, “reny iray an’ireo mpijangajanga.” Vantany vao nandrafitra izy ireo, dia nanao an’ilay zavatra iray ihany izay nataon’izy ireo tany, nanendaka ny tenany niala tamin’ny Teny izy ireo, ary tsy maintsy nanaraka an’ireo didin’ny rafi-pandaminana iray.

⁶⁸ Fantattro fa tsy malaza ity, saingy izany no Fahamarinana. Tsy manana an’ireo fandaharana goavana an’ny radio sy fandaharan’ny televiziona aho, fanohanana. Andriamanitra anie hanampy ahy tsy hanana mihitsy. Zavatra anankiray ihany no ilaike, ary izany dia ny fanohanan’i Jesosy Kristy, amin’ny alàlan’Ny Teniny. Aoka Izy no hanamarina fa milaza ny Fahamarinana aho, amin’ny alàlan’Ny Teniny; tsy zavatra iray sandoka, mody mino, tsy misy eritreritra; fa ny Fanahy Masina Izy tenany tena izy, Izay mandray ny teny fikasan’ity andro ity ka maneho fa izany no Fahamarinana. Izay ihany no iriako fatratra ho hita. Tahaka ny nolazain’i Jesosy hoe, “Raha tsy manao an’ireo asan’Ny Raiko Aho, amin’izay fotoana izay dia aza mino Ahy.”

⁶⁹ Ankehitriny jamba! Oh, hoy ianareo hoe, “Tsy jamba izahay.” Jamba ianareo! Ny Baiboly no nilaza fa jamba ianareo. Ny mpamaky Soratra rehetra dia mahafantatra fa izao no Taonan’ny Fianganana Laodikia. Firy no mino an’izany? [Hoy ny fianganana hoe, “Amena.”—Mpand.] Noho izany, ny Baiboly no milaza fa, “Ny fianganana Laodikia dia jamba, mitanjaka, nefá tsy fantany izany.” Io ilay ampahany ratsy, tsy mahafantatra an’izany akory aza izy. Izy no ratsy noho ireo taom-piangonana hafa rehetra atambatra.

⁷⁰ “Ny omby mahafantatra ny fihinanam-bilon’ny tompony, na ny talantalany, ary ny ramole mahafantatra ny fihinanam-bilony, ary,” hoy Izy, “ny Oloko tsy mahafantatra.”

⁷¹ Jamba, jamba ara-panahy! Jamba amin’ny inona? Ny Tenin’Andriamanitra. Jamba mihitsy arak’izay maha-izy azy, ary tsy te-hahita an’Izany izy ireo. Ary raha miteny amin’izy ireo ianareo; hilaza izy ireo hoe, “Oh, eny, izaho dia—mikassa hanao an’izany aho,” saingy tsy misy iray amin’izy ireo manao an’ilay izy. Tsy afaka manao an’izany izy ireo sady hihazona ny fiombonany amin’ny rafi-pandaminana iray; handroaka azy ireo avy hatrany avy ao amin’izany izy ireo.

⁷² Indro izy mitsangana, nanaratra ny foto-bolony i Delila. Ankehitriny izy dia—mitapa-bolo izy; tahaka an’ireo vehivavy ao anatiny, zavatra mitovy. Jereo izy ireo ankehitriny, resy, tahaka ny naha-izy azy ireo fotsiny.

⁷³ Ry mpitoriteny, ireo iraka pentekotista an’ny andro voalohany, tsy hahavita an’ireo lehilahy ireo hino mihitsy ianareo fa handrafitra seminera ireo zanany manokana, izay nokianin’izy ireo, tamin’ny alàlan’ny Tenin’Andriamanitra, sy nivoahany. Marina izany. Inona, amin’ny alàlan’ireto seminera

ireto, no azontsika? Nampiditra an'izao tontolo izao tao anatin'ilay fiangonana izy ireo. Mpitoriteny iray fahiny no nihira hoe:

Navelantsika hilatsaka ireo sakana, nanao marimaritra iraisana tamin'ny fahotana isika.

Navelantsika hilatsaka ireo sakana, nivoaka ny ondry, fa ahoana no nidiran'ireo osilahy?

⁷⁴ Navelanareo hilatsaka ireo sakana, nanalavitra ny Teny. Rehefa navelan'i Eva nilatsaka ireo sakana, ho amin'ireo fandanjalanjana ara-tsaina an'i Satana, dia niditra ny fahafatesana; ary ireo sakana izay nanakanan'Andriamanitra azy, dia Ny Teniny an'ny fampanantenana. Nefa isika nanao zavatra hafa ho solony, fanekem-pinoana iray, raha tokony ho ny Teny. Amena. Fantatrareo fa izany no Fahamarinana.

⁷⁵ Inona no azontsika, ry vahoaka Pentekotista amin'izao andro izao? Ireo Ricky be loatra. Io teny io, Elvis sy Ricky, tsy nandre an'izany mihitsy ianareo tamin'ireo andro hafa. Teny iray izany, izany ilay anarana ho an'ity andro ity. Mandeha miaraka amin'ity izany. Midika zavatra iray izany.

⁷⁶ Hoy ianareo hoe, "Tsy midika na inona na inona ny anarana iray." Koa nahoana Izy no nanova ny anaran'i Abrama, ho Abrahama? Nahoana Izy no nanova ny anaran'i Saoly ho Paoly; ny anaran'i Simona ho Petera? Nahoana Izy no nanova Ny Anarany Manokana?

⁷⁷ Nahoana Izy no nanova an'i Jakoba ho Isirael? Tsy talohan'ny nitolomany tamin'ny Tompo, tsy talohan'ny nandreseny. Ary rehefa nandresy ny fahafatesana Jesosy, ny helo ary ny fasana, dia hoy ny Baiboly hoe, "Nanana Anarana iray vaovao Izy." Ary rehefa nandresy i Jakoba.

⁷⁸ Ary raha afaka mandresy ilay Fiangonana, dia hijanona tsy hilaza izy hoe, "Metodista aho, Batista, ary Presbyterana." Rehefa afaka mandresy an'ireo fanekem-pinoany sy izao tontolo izao izay nisintona azy nankao anatiny tao izy, dia hiverina ho ny Ampakarin'i Jesosy Kristy, Rtoa. Jesosy Kristy. Amena.

Fampisehoana iray mampalahelo toy ny inona, raha mahita an'i Samsona mitsangana eo isika!

⁷⁹ Ireo vehivavy miaraka amin'ny volo fohy, manao sorta, miloko tarehy; ary Pentekotista, miantsy ny tenany hoe Kristiana, mihira ao amin'ilay antoko mpihira.

⁸⁰ Tany amin'ny Assemblée Pentekotista aho vao tsy ela akory izay, tao amin'ny tanâna iray izay ipetrahan'ny lehilahy iray fanta-daza, malaza. Ary niha-goavana be ireo favoriana, tsy maintsy namindra azy nankany amin'ny toerana goavana iray aho, ary nanana an'ilay antoko mpihira Pentekotista voafantina izy ireo. Ary kely no nahafantaran'izy ireo fa nipetraka tao ambadik'ireo lamban'efitra mihitsy aho, nivavaka. Ary tany ny

zazavavy rehetra tao amin'io laharana io teo amin'ny zazavavy dimy amby telopolo, sy zazalahy dimy amby telopolo, mba hihira *Ny Mesia*, nanao lokon-tarehy sy nanapa-bolo. Ary rehefa naka rakitra ho an'ny misionera i David duPlessis, dia nihetsika toy ny hoe Bartimeo jamba izy ireo, nandeha teo nampandalo an'ilay kapoaka. Zafikely Pentekotista izany. Tsy izany no mpanompon'Andriamanitra Pentekotista iray miaraka amin'ny batisan'ny Fanahy Masina. Tsy haneso Ny Teniny Manokana ny Fanahy Masina. Tsy afaka Izzy, sady hijanona ho Fanahy Masina. Fa eo no ahatongavanareo. Oh, Samsona, mbà misaina kely fotsiny!

⁸¹ Tsarovy, voaray feo ireto horonam-peo ireto ary alefa manerana an'izao tontolo izao. Tsy miresaka amin'ity vondrona eto ity fotsiny ihany aho.

⁸² Nanomboka nieritreritra an'ireo fahadisoany i Samsona. Oh! Ary nanomboka nieritreritra an'izay naha-izy azy indray mandeha izy.

⁸³ Ry Pentekosta, eritrereto izay naha-izy anareo sivinjato sy arivo taona lasa. Ry fiangonana, Katolika, Protestanta, eritrereto izay naha-izy anareo sivinjato sy arivo taona lasa, ka jereo izay maha-izy anareo androany. Mandiniha vetivety.

Mbola misy eo amin'ny valo minitra amboniny, hihazonana ny teniko.

⁸⁴ Mariho, fa raha mbola nitsangana teo izy, dia nitomany, nanomboka nieritreritra an'ireo fahadisoany izy, ary avy eo dia nanomboka nieritreritra an'izay nitranga taminy. Jamba izy, noho izany dia tsy afaka nahita intsony. Izzy, nanaiky zavatra hafa izy. Nohon'ny fitiavana an'io vehivavy io, izany no nahatratra azy, nefä avy eo dia nandà azy izy.

⁸⁵ Oh, fandrika iray toy ny inona no azoko tenenina eto, izay napetrak'i Satana ho an'ilay fiangonana. Manao ny masonareo ho jamba amin'ny Fahamarinana fotsiny, ary, izany no, azon'izy ireo ianareo amin'izay fotoana izay. Fa raha mba nahafantatra an'izany fotsiny mantsy ianareo! Indray andro any Andriamanitra dia hanaporofo an'izany aminareo, hoe inona ilay mariky ny bibidia. Ah-hah. Mariho, fa rehefa jamba indray mandeha, dia mitsangana eo izy.

⁸⁶ Koa nitsangana teo izy. Ary nanomboka nahatsiaro an'ireo zavatry ny fahadisoany izy, rehefa niala tamin'ilay lâlana èty, tery izy, izay nanalavirany ny teny fikasan'Andriamanitra. Dia niantso mafy izy hoe, "Tompo, mamalia faty an'ireo masoko!" Nahoana izy no nanao an'io? Fantany fa nisy azo atao iray.

Ankehitriny eo no tiako ho henoinareo.

⁸⁷ Tsy maintsy nieritreritra ny rehetra izay nialany an'ilay lâlana i Samsona. Hitany ilay izy tamin'io fotoana io, tara loatra ilay izy ankehitriny. Hitany izany, hoe taiza no nialany

an'ilay lèlana, ka nieritreritra izy hoe, "Tsy maintsy misy azo atao iray mba hamalian'Andriamanitra." Fantany fa raha afaka nibebaka izy ka hanao an'Andriamanitra hahita fa nanenina nohon'ny fahadisoany izy, dia nisy azo atao izay mbola hanatanterahan'Andriamanitra foana ny Fampanantenany.

⁸⁸ Hataon'Andriamanitra izany. Hanao an'izany Izzy. Mitovy ankehitriny, hanana an'io Fiagonana io Andriamanitra! Aza manahy ianareo, ho eo Izzy. Hihetsika tahaka an'izany ao anatin'ilay Fiagonana ny Fanahy Masina hany ka ho lasa Fanahy iray ihany ny Fiagonana sy Kristy. Nitsangana teo amin'ilay tongotra i Luther tamin'izany, tao amin'ny fanamarinana; nitsangana tao amin'ny fitempon'ny fo amin'ny fitiavana i Wesley, an'ny fanamasinana; saingy ity dia miakatra mankeo amin'ilay loha ankehitriny; hitanareo, mihoatra noho izany. Nanao anaram-piagonana izy, ary tonga ilay vady lahy ka nandrantsana an'ilay voaloboka; maty izy ireo, tsy niverina intsony izy ireo. Tsy hiverina intsony izy ireo. Saingy mbola misy voan'Aina iray foana izay mipoitra.

⁸⁹ Fa, mariho, nieritreritra i Samsona fa tsy maintsy misy ny—ny azo atao iray. Takany ilay hevitra.

⁹⁰ Fa ilay ampahany mampalahelo dia, amin'izao andro izao, tsy mahatakatra an'izany ilay fiagonana. Tsy fantatr'izy ireo fa misy azo atao iray ho an'ny fifohazana iray. Tsy fantatr'izy ireo ilay azo atao. Tsy mbola takatr'izy ireo ilay fijery. Mipetraka fotsiny izy ireo.

⁹¹ "Oh," hoy izy ireo, "ankehitriny, Rahalahy Branham, inona no ataonao?"

⁹² Oh, fantatro fa mitehaka ny tananareo ianareo ary manana fiagonana goavana be, ary mamirapiratra miaraka amin'ny girilandin'izao tontolo izao. Tsy maintsy mandeha any amin'ireo toerana goavana indrindra ianareo. Tsy maintsy manana an'ilay tena mamalifaly, tsara indrindra ianareo. Ianareo tsy maintsy manao an'ity, itsy, na ny hafa. Ny pasiteranareo dia tsy maintsy mpianatry ny seminera iray miaraka amin'ny diplomaoman'ny dokotera. Raha tsy izany, dia tsy afaka miteny amin'ireo mpiaramonina aminareo any ianareo hoe ny pasiteranareo dia zalahy kely iray avy any amin'ny sahan-katsaka any, izay voavonjy. Izzy no, "Ny pasiteranay dia Dokotera LL.D. Ranona-sy-ranona." Ho ahy, izany dia midika fa lavitra an'Andriamanitra tahaka an'izao fotsiny izy. Izay ihany, lavitra tahaka an'izany fotsiny, satria ireo fahaizana foana no mitondra azy hanalavitra. Oh, mamiratra amin'ny fahaizana ianareo.

⁹³ Ary zavatra hafa iray, mikasika an'ity fitoriana moderina betsaka amin'izao andro izao ity, hatraiza hatraiza manomboka amin'ny Pentekosta tany aoriana rehetra tany, dia andiana mpanao fampisehoana iray an'i Hollywood. Hia, mamiratra miaraka amin'izany marina tokoa ianareo, tahaka an'ireo

girilandy tao amin'ny efitr'ilay Dagona andriamanitra-trondro. Fa io girilandy sy fahaizana, sy mpanao fampisehoana aratsaina miaraka amin'ny famirapiratana lehibe io, izay mamela ny besinimaro rehetra hahita ny faharesena rehetra sy ny sisa, io karazan-javatra rehetra tahaka an'izany io, fiheverana ara-tsaina ny Filazantsara, sy ny sisa, tsy izany no mitondra ny Herin'Andriamanitra hanao ny vehivavy hitsahatra tsy hitondra volo tapaka, sy ny lehilahy hihetsika araka ny tokony hataony, haka ny toerany ao an-trano ka hitaiza an'ireo zanany araka ny tokony ataony. Tsy izany no mitondra ny Fanahin'Andriamanitra.

Nitsangana teo i Samsona, makadiry be mihitsy tahaka ny efa naha-izy azy.

⁹⁴ Ary ny fiangonana dia mitsangana mahery lavitra amin'ireo mambra noho ny naha-izy azy efapolo taona lasa, saingy aiza ny Fanahin'Andriamanitra? Oh, oadray! Aiza ny Fanahin'Andriamanitra ao anatin'y? Ny fanahin'i Hollywood no hitako. Ny fanahin'izao tontolo izao no hitako. Ny fanahin'ny famirapiratana no hitako. Miditra ao avy hatrany, efa dimy ambin'ny folo taona izao no nitoriako nanohitra an'izany, nefo miha-ratsy isan'andro fotsiny ilay izy. Afaka mahita an'izany aho, ary afaka mahita an'ilay fanahy ao. Fa aiza ny Fanahin'Andriamanitra izay afaka mamihina an'Andriamanitra, izay afaka manaiky ny Teny Izzy tenany rehefa tonga voaseho Izany, afaka manaiky Fahamarinana? Ny Fanahin'Andriamanitra irery ihany no afaka manao an'izany. Marina izany. Afaka maka mampirapiratra ianareo, mampiratra, mpanao fampisehoana.

⁹⁵ Nanana vatana goavana iray tahaka ny nananany hatramin'izay mihitsy i Samsona, saingy nesorina taminy ny heriny.

⁹⁶ Ny fiangonana, Pentekosta amin'izao andro izao, dia mitsangana. Mino aho, telo taona lasa izay, fa ny *Sunday Visitor* an'ny fiangonana Katolika, no nilaza fa izy ireo dia nanana "iray tapitrisa niova fo ho amin'ny Katolisima tao anatin'ny taona anankiray, fa ny fiangonana Pentekotista dia nanana dimy hetsy sy iray tapitrisa, mihoatra noho izany." Eny, inona no azonareo rehefa nanana an'izany ianareo? Aleoko nanana dimy izay afaka hanolotra ny fiainany ho an'i Kristy. Afaka manao mihoatra amin'ny olona dimy Izzy, na olona anankiray, nanolo-tena, noho ny Ahafahany amin'ny efatra tapitrisa any ivelany. Inona no dikan'ny mambra? Midika zavatra hafa iray fotsiny izany, hoe jamba ianareo, ary manampy hery amboniny ho an'ilay mpijangajanga. Marina.

Mariho, tsy hanaiky handoa an'ilay vidiny ny fiangonana amin'izao andro izao.

⁹⁷ Nivavaka an'ilay karazana vavaka tsara i Samsona hoe, "Tompo, avelao aho ho faty miaraka amin'ity fahavalao ity." Oh, oadray!

⁹⁸ Eo ianareo izao. Tsy te-ho faty miaraka amin'ny fireharehanareo ianareo. Tsy te-ho faty miaraka amin'ireo zavatr'izao tontolo izao ianareo.

⁹⁹ Ankehitriny, tsarovy, miresaka amin'ny an'avirony arabakiteny manerana an'izao tontolo izao aho, rehefa milaza an'izao. Hitanareo? Tsy miresaka fotsiny eto Chicago aho. Miresaka amin'izao tontolo izao aho.

¹⁰⁰ Tsy te-ho faty ianareo, nefà izany no fomba tokana misy ho an'ny fifohazana iray. Ianareo Samsona jamba, tsy afaka mahita ve ianareo fa i Delila no nanajamba ny masonareo? Ary ny fomba tokana hany ahafahanareo hamerina ny hery ho amin'ny fiangonana, dia ny maty ny amin'ilay fahavalao izay nampiditra anareo tao amin'io isman'izao tontolo izao io.

Hoy Samsona hoe, "Avelao aho ho faty miaraka amin'ilay fahavalao."

¹⁰¹ Misy vidiny lehibe iray haloa. Tsy maintsy maty ny amin'ilay zavatra izay nitondra anareo tao anatin'io zavatra io ianareo. Tsy maintsy maty ny amin'ilay zavatra izay nitondra anareo ianareo, ianareo vahoaka Pentekotista, ho eo amin'izay misy anareo izao tolakandro izao. Tsy maintsy maty ny amin'izany ianareo.

¹⁰² Nanaiky ny handoa an'ilay vidiny i Samsona mba hahazo an'ilay herin'Andriamanitra hiverina amin'ny ainy indray.

¹⁰³ Manontany aho raha ny fiangonana dia, izao tolakandro izao, hanaiky ny handoa ny vidiny ka ho faty miaraka amin'ilay fahavalao, ilay zavatra, ny lazanareo rehetra, sy *ity* anareo rehetra, *itsy*, na ny *hafa*, mba hahita fotsiny an'ilay herin'Andriamanitra miverina eo aminareo indray, ka ho lasa mpifatot'i Jesosy Kristy?

¹⁰⁴ Oh, mandre ny sasany aminareo aho manao hoe, "Oh, eny, izahay, manana fifohazana izahay." Saingy fifohazan'anaram-piangonana izany. Ny an'ny Tokana dia te-haka ny an'ny Telo rehetra ka hanao azy rehetra ho an'ny Tokana. Ny an'ny Telo dia te-haka ny an'ny Tokana rehetra ka-ka hanao azy ireo ho an'ny Telo. Ny fiangonan'Andriamanitra dia te-haka ny fiangonan'Andriamanitra an'ny Faminaniana. Ny iray te-haka an'ilay hafa, manao goavana anara-... Tsy fantatrareo ve fa manatitra sakafo ho an'ny olona fotsiny ianareo?

¹⁰⁵ Mpirahalahy isika. Tsy misy anaram-piangonana afaka mampisaraka ny fitiavan'Andriamanitra. Mpirahalahy isika. "Izao no hahafantaran'ny olona rehetra fa Mpianatro ianareo, raha mifankatia ianareo."

Hoy ianareo, "Inona àry no hivazavazanao mikasika azy ireo?"

¹⁰⁶ Manitsy ny fitiavana. Raha tsy manitsy ny fitiavana, amin'izay fotoana izay dia tsy fitiavana izany. Raha mahita ny zanakareo eny an-dàlambe ianareo, ka tsy manome azy fanairana kely aoriana, ianareo—tsy dada tsara iray ianareo. Fa ny tena reny na dada dia hamerina azy ka hikapoka azy, hamela azy hahafantatra fa tokony hiala eo amin'ny lèlambe izy, raha tsy izany dia ho levona. Izany no fitiavana tena izy. Fa ny manao hoe, “Junior, malala, tsy fantatro. Ianao, angamba tsy tokony ho eo ianao amin'izao fotoan'andro izao, ilay andro farany, izay andehanan'ireo fiara tena haingana.” Oh, fahadalana, ianareo mpitory teny sarimbavy, tsy ilay fahasahiana handray ny Tenin'Andriamanitra ka hiantso ny fotsy ho fotsy ary ny mainty ho mainty, ny marina ho marina ary ny diso ho diso. Fa manao an'izany izy ireo.

¹⁰⁷ Hia, manana fifohazana tsara isika, saingy jereo ireo fitondran-tena ao ambadik'ireo fifohazana ireo. Tsy manova azy ireo na kely aza; lasa lavitra kokoa an'Andriamanitra, ary mankany amin'izao tontolo izao, isan'andro. Mariho.

¹⁰⁸ Fantatr'i Samsona izay hitranga raha novaliana ny fivavany.

¹⁰⁹ Saingy tsy mbola voatombantsika ilay teti-bidiny. Inona no hitranga raha mamaly ny fivavakareo Andriamanitra mba ho lasa tena zanak'Andriamanitra iray, tena izy? Fantatrareo fa vita ny aminareo avy amin'ny anaram-piangonanareo, eo no ho eo. Ary ireo vehivavy izay milalao karatra, sy ny zavatra rehetra? Oh, tsia! Vita ny aminareo, ary izay ihany. Tsaratsara kokoa ny manombana an'izany, aloha.

¹¹⁰ Fa hoy Samsona hoe, “Avelao aho ho faty.” Nanaiky ny handoa an'ilay vidiny izy. Ary fantany . . .

¹¹¹ Henoy tsara ankehitriny ity fanamarihana ity. Fantany fa ny toerany mpiverin-dàlana ankehitriny dia tsy afaka hiatrika an'ilay fihaiken'io ora io. Kanefa, tena lehilahy iray tokoa tahaka ny efa naха-izy azy hatramin'izay izy, tao amin'ireo hozany. Ny toe-batany dia goavana tahaka ny naха-izy azy hatramin'izay. Hozatra iray goavana fotsiny izy izay afaka nibontsina teo amin'ny sandriny amin'ny fotoana rehetra mihitsy, niha-lehibe angamba izany, satria izy dia efa nitoto tany amin'ny . . . nanao asa mavesatra kokoa.

¹¹² Manana an'ireo fiangonana tsaratsara kokoa isika, tranobe tsaratsara kokoa sy ny sisa, saingy aiza ny herintsika, miresaka ara-panahy? Oh, afaka manao fididianana iray isika ato amin'ny firenena. Azo antoka, afaka manao an'ireo zavatra ireo isika, saingy izany—tsy izany no resahako. Miresaka mikasika ny Fanatrehan'Andriamanitra izay fantatra eo anivontsika aho. Ho an'izany no tokony hivelomantsika.

¹¹³ Fantany fa ny toerany niverin-dàlana dia tsy afaka hiatrika an'ilay fihaiken'io ora io.

¹¹⁴ Ary toy izany koa no ahafantaran’ilay fiangonana an’izany ankehitriny. Tsy afaka manao an’izany eo ambanin’io toerana io isika. Tsy afaka manao an’izany ianareo. Tsy manamarina ny Teny ireo anaram-piangonana; mandà ny Teny izy. Ilay tena anaram-piangonana izy tenany mihitsy no mandà ny Teny vanytany vao lasa anaram-piangonana izy. Ilay zavatra izy tenany mihitsy, mandeha mankeo amin’ilay ilany hafa fotsiny ianareo, eo am-panombohana. Mandà ny Teny izy. Isan’andro . . .

¹¹⁵ Manana iray minitra kely fotsiny aho na roa, sisa. Fa mariho, raha mandeha haingana aho ankehitriny ka hihazona ny teniko.

¹¹⁶ Nandritry ny fotoana rehetra raha mbola nitsangana teo izy rehetra, dia nandalo tao an-tsainy ireo eritreritra ireo; ary manantena aho fa mandefa sasany mandalo amin’ny anareo izany. Tsy nahamarika mihitsy izy ireo raha mbola, Samsona, nandalo tao an-tsainy ny eritreriny. Angamba nampita an’ilay tavoahangy izy ireo, naka zava-pisotro iray indray. Ireo vehivaviny tsara tarehy an’ny Hollywood dia nitsangana teo niaraka tamin’ny sigarany teo amin’ny vavany, raha zavatra tahaka an’izany ilay izy tamin’io andro io; dia tsy mihevitra aho fa tonga tsara mihitsy teo amin’io fahambaniana io izy ireo tamin’io andro io. Fa nampiakatra ny volony izy ireo ka naka zava-pisotro hafa iray, ary nivazavaza hoe, “Akory, Joseph, na John, na ianao any ho any io! Niara-nilalao karatratra izahay omaly hariva, fety goavana iray izany tany.” [Elanelana tsy voarakipeo—Mpand.]

¹¹⁷ “Misy azo atao iray izay handrenesan’Andriamanitra ahy. Misy azo atao iray.” Ary raha mbola nieritreritra izy, dia tsy nahamarika azy ireo Filistina, raha namaha ny tànany io zazalahy kely io, nihemotra. Hoy izy hoe, “Apetraho eo amin’ny andry ny tànako.” “Misy azo atao iray.” Oh, oadray!

¹¹⁸ Maniry aho ny ahafahan’ny fiangonana hahita an’izany. Misy ny azo atao iray ho an’ny tena fifohazana iray.

¹¹⁹ Inona no nataony? Nakariny ireo lava-masonry (tsy nanana maso izy) nankany amin’Andriamanitra. Tsy nahamarika ny fihetsiky ny molony mihitsy izy ireo, raha niaiky am-pahatsoram-po izy.

¹²⁰ Isika tsy mila kely iray fotsiny hoe, “Tompo, mamele ahy sy Jim, Joe ary izahay rehetra. Amena.” Mila fanadiovana tso-po iray isika, avy eo amin’ny polipitra hatrany amin’ny mpiandry varavarana.

¹²¹ Tsy nahamarika an’ireo ranomasonry nikoriana avy teo amin’ireo lava-maso mihitsy izy ireo izay nananany maso fahiny. Tsy nahamarika ny fihetsiky ny molony mihitsy izy ireo. Ireo masonry, ranomaso masirasira nikoriana avy teo amin’ireo lava-maso. Nila an’Andriamanitra hanao Ny Teniny ho voamarina indray mandeha izy, mba hanaporofo, tahaka ny ilazako amin’io

Delila io androany, na io Samsona io, raha ny marina hoe, “Jesosy Kristy no tsy miova omaly, anio, ary mandrakizay!”

¹²² “Izao indray mandeha izao,” nieritreritra izy, “dia hitranga izany. Tsy anaram-pianganana vaovao iray, tsy sekta vaovao iray, fa Teny iray voamarina avy Aminao, Andriamanitra! Fantatro fa mbola Andriamanitra foana Ianao. Jamba aho. Niala tamin’ilay lèlana aho. Tsy mendrika ny ho velona aho. Avelao aho ho faty miaraka amin’ity fahavalo ity. Ianao no nanangana ahy handrava azy, nefà tsy nahomby Taminao aho, Tompo, saingy misy ny azo atao iray Handrenesanao ahy. Izao indray mandeha izao, Tompo, izao indray mandeha izao!” Tao amin’ny fahatsorana tanteraka no nivavahany. Fantany izay ho avy. “Tompo, ity indray mandeha ity monja fotsiny! Izao indray mandeha izao dia avelao aho hahita an’i Jesosy Kristy tahaka ny naha-izy Azy omaly!” Rehefa nivavaka an’io vavaka io izy, ka nikoriana avy teo amin’ny takolany ireo ranomaso, niaraka tamin’ny fahatsoram-po lalin’ny fiaikena!

¹²³ Izany no ilain’ny fiangonana. Miaike fa diso ianareo. Aza miraharaha an’izay lazain’i Dokotera Jones, na izay lazain’ny olon-kafa. Raha any ivelan’ny Tenin’Andriamanitra ianareo, dia miaike an’izany, hoe diso ianareo. Miantsoa mafy hoe, “Izao indray mandeha izao, Tompo, izao indray mandeha izao! Izao indray mandeha izao, Tompo, izao indray mandeha izao! Valio eo amin’ireo anaram-pianganana ireo ny fahajambako! Ary omeo hery aho, Tompo, hanozongozona an’ity izao tontolo izao ara-anaram-pianganana ity, miaraka amin’ny Fanamarinanao. Omeo hery aho, Tompo. Porofoy izany izao indray mandeha izao!”

¹²⁴ Fantany izay hitranga raha novaliana ny fivavany. Fantany, fa fahatsorana tanteraka, no niantsoantsoany hoe, “Izao indray mandeha izao, Tompo!” Ary raha mbola nivavaka izy, ka nanao ny fiaikeny mahitsy fo, dia nanomboka nangovitra ireo hozatra kely rehetra tao amin’ny vatany.

¹²⁵ O Andriamanitra, raha afaka hijoro ho iray ilay Vatan’i Jesosy Kristy, ka ny hozatra kely rehetra sy ny mambra rehetra hanomboka hangovitra indray miaraka amin’ny batisan’ny Fanahy Masina ara-bakiteny; tsy miaraka amin’ny mambra vaovao, sy fandraisian-tànana, na fanekem-pinoana iray.

¹²⁶ Raha nanomboka nihetsika tao anatin’ireo hozatra goavana ireo ny hery, dia nanomboka niolanolana ny hozatra kely rehetra. Nanomboka nahatsapa ny tenany indray izy, ary niolanolana izy. Ary, rehefa niolanolana izy, dia nirodana ilay rindrina goavana.

¹²⁷ Ny ilaintsika hatao fotsiny amin’izao andro izao, dia, ny hahita an’ireo rindrini’ny ara-anaram-pianganana ireo hirodana, dia ny ho tso-po lalina eo anatrehan’Andriamanitra, mba hanasitrana an’ireo maso jamba izay nohajambaina tamin’ny Tenin’Andriamanitra.

¹²⁸ Izany no fandresen'i Samsona lehibeindrindra izay hany azony, satria nanaiky ny hiaiky izy, mikasika ny fahavalao rehetra aloha izay nananganana azy mba ho ravana.

¹²⁹ Oh, ry Pentekosta, mitsangàna eo amin'ny toeranareo izao tolakandro izao, ny toeran'andraikitareo an'ny Tenin'Andriamanitra. Mibebaha, ary miantsoa mafy be hoe, "Tompo Andriamanitra, izao indray mandeha izao!" Mamela ah y hiteny zavatra iray aminareo. Tsaratsara kokoa aminareo ny nandrava ny fahavalonareo alohan'ny handravan'ny fahavalonareo anareo. Marina izany. Avereno ireo fivoriam-bavaka amin'ny fanao fahiny, ilay tena fibebahana masina, ilay fotoana eo amin'ny alitara ny alina manontolo. Oh, ry Pentekosta, henoy aho! Ialao, oh, ihalao io fahalòvana izay niasan'i Jezebel teo anivonareo io. Ialao izany, ihalao haingana izany, ary miverena amin'ny Tenin'ny Tompo, alaviro io mpanao fampisehoana an'i Hollywood io. Mitodiha amin'ny fonareo manontolo, miverina amin'ny Tenin'Andriamanitra. Miverena amin'ny Herin'ny Fanahy Masina. Ianareo vehivavy miakanjoa tahaka ny vehivavy, ianareo lehilahy mihetseha tahaka ny lehilahy, tahaka ny zanakalahy sy zanakavavin'Andriamanitra. Mitodiha, oh, mitodiha miala amin'io rafitr'i Jezebel izay manakenda anareo sy manajamba anareo io. Hanampy antsika anie Andriamanitra mba hanana fibebahana marina iray; tsy amin'ny fo tapany, tsy afaka manao an'izany ianareo.

¹³⁰ Toy ny ahoana no ieritreretako androany, amin'ity tena fotoana ity mihitsy raha tapitra ny fotoako, fa tokony hitsangana isika, ary hiantsoantso, miaraka amin'ny tènantsika mitsangana hoe, "Tompo, izao indray mandeha izao! Izao indray mandeha izao, O Tompo, izao indray mandeha izao!"

¹³¹ Ndaô isika hitsangana, ny olona rehetra izay manaiky hanao an'izany, mba hahita fifohazana iray; izay vonona ny ho faty ny amin'io mpanao fampisehoana an'i Hollywood io; ny olona rehetra izay vonona ny ho faty, mba hahita "ny Herin'Andriamanitra tonga amin'i Ziona, sy miaraka amin'ny fifaliana, ireo Tendrombohiny masina rehetra dia tsy hisy na inona na inona handratra na hanimba."

¹³² Ndaô isika hanangana ny tènantsika, ka hiantsoantso hoe, "Izao indray mandeha izao, Tompo!" Izao indray mandeha izao, Tompo! Izao indray mandeha izao, Tompo! Izao indray mandeha izao, Tompo, iraho ny Fanahy Masina, miaraka amin'ny Rivotra mahery iray tahaka ny Nataonao tamin'ny Andron'ny Pentekosta. Amena. [Manohy mivavaka sy midera an'Andriamanitra ny fiangonana—Mpand.]



IZAO INDRAY MANDEHA IZAO MAG63-0804A
(Once More)

Ity Hafatr'i Rahalahy William Marrion Branham ity, izay notoriana tamin'ny Teny Anglisy hatrany am-piandohany ny Alahady tolakandro, 4 Aogositra 1963, tao amin'ny Marigold Center ao Chicago, Illinois, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2018 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org